

**CONVENIO REGULADOR PARA A CONCESIÓN DIRECTA DA SUBVENCIÓN-
CULTURAL PARA O ANO 2018**

ENTRE O

**EXCMO. CONCELLO DE VILAGARCÍA DE AROUSA E A ASOCIACIÓN
PADROADO DA BANDA DE MÚSICA DE VILAGARCÍA DE AROUSA**

En Vilagarcía de Arousa, a de de 2018

Dunha parte o Ilmo. **Sr. Don Alberto Varela Paz**, actuando en nome e representación do Excmo. Concello de Vilagarcía de Arousa, do que é Alcalde, con enderezo na Praza Ravella nº 1 36600 - Vilagarcía de Arousa.

Doutra parte **Sr. Don Lucas Meda Herbojo**, actuando en nome do Padroado da Banda de Música de Vilagarcía de Arousa do que é Presidente, co número de CIF: G36018547, e con enderezo social no edificio do antigo Colexio do Ramal, situado na Rúa Rosalía de Castro nº 14 CP: 36600 en Vilagarcía de Arousa.

Ambas as dúas partes recoñécense en representación e poder bastante para asinar o presente convenio con vixencia para o ano 2018, con suxeición ás seguintes:

CLÁUSULAS

PRIMERA: XUSTIFICACIÓN DA CONCESIÓN DIRECTA DA SUBVENCIÓN

O **Concello de Vilagarcía de Arousa**, dentro das súas competencias, que ten atribuídas pola lexislación vixente, e no referente ás actividades e instalacións culturais, ten entre os seus propósitos a formación, fomento, promoción e produción de actividades musicais, deseñando e desenvolvendo actividades desta índole de interese xeral.

A **Banda de Música de Vilagarcía de Arousa**, constituída ao abeiro da súa normativa específica, é única nas súas características dentro de Vilagarcía de Arousa, con máis de sesenta músicos organizados como conxunto instrumental de vento (metal e madeira), corda e percusión. Mantén unha estreita colaboración co labor desempeñado pola Escola Municipal de Música e o Conservatorio Profesional de Música de Vilagarcía de Arousa, como entidade propia. É identificada por todos os cidadáns. É un punto de referencia estable no proxecto de música da cidade, sendo fundamental o seu papel de promoción e difusión da mesma. Cumpre un papel fundamental para o coñecemento, apoio

**SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA
DE MÚSICA DE VILAGARCÍA DE AROUSA**



didáctico e formación musical dos seus compoñentes e, dende a súa creación, un papel decisivo para dar a coñecer aos veciños e veciñas de Vilagarcía de Arousa os mellores temas da música clásica, moderna e contemporánea, en todos os xéneros e estilos e na promoción e difusión de proxectos de música. Ao mesmo tempo, pola súa importancia, representando ao Concello de Vilagarcía de Arousa en moitos actos institucionais.

SEGUNDA: OBXECTO DA SUBVENCIÓN

A Banda de Música contribuirá a satisfacer os intereses culturais e inquietudes musicais do Concello de Vilagarcía de Arousa e dos seus habitantes, mediante o desenvolvemento dun dobre labor social e educativo, así como contribuíndo á conservación do patrimonio musical municipal, nos termos indicados no presente convenio, e en concreto na cláusula terceira.

TERCEIRA: OBRIGAS DA BENEFICIARIA

O Padroado da Banda de Música, comprométese ao seguinte:

1. A destinar **7.500,00€., (SETE MIL CINCOCENTOS EUROS)** do seu orzamento anual, durante o ano de vixencia da presente subvención, para a adquisición de equipamento e material instrumental necesario para o desenvolvemento da actividade. 
2. A destinar **38.770,00€(TRINTA OITO MIL SETECENTOS SETENTA EUROS)** do seu orzamento anual, durante o ano de vixencia da presente SUBVENCIÓN-CULTURAL, para sufragar gastos correntes derivados do normal funcionamento da Asociación Padroado da Banda de Música de Vilagarcía de Arousa.
3. Realizar un mínimo de **35** actuacións para o Concello de Vilagarcía de Arousa ao longo do ano 2018, naqueles eventos musicais que se consideren de especial relevancia, coa seguinte desagregación, (cada actuación está valorada en 1.322,00€):
 - 3.1 A realización de 5 actuacións da Banda de Música de Vilagarcía de Arousa xa fixadas para este ano 2018: 

SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA
DE MÚSICA DE VILAGARCÍA DE AROUSA

3.2

Número	Mes	Motivo	Lugar
1	Xaneiro	Cabalgata	Vilagarcía de Arousa
2	Maio	Procesión Santa Rita	Vilagarcía de Arousa
3	Agosto	San Roquiño	Vilagarcía de Arousa
4	Agosto	Subida San Roque	Vilagarcía de Arousa
5	Agosto	Procesión San Roque	Vilagarcía de Arousa

3.2 A realización de 5 concertos da Banda de Música de Vilagarcía de Arousa xa fixadas para este ano 2018:

Número	Mes	Motivo	Lugar
1	18 de Marzo	Concerto A Camelia	Vilagarcía de Arousa
2	20 de Maio	Concerto Santa Rita	Vilagarcía de Arousa
3	Xullo	A Banda na Rúa	Vilagarcía de Arousa
4	Agosto	Concerto San Roque	Vilagarcía de Arousa
5	Outubro	Clausura Curtas Films	Vilagarcía de Arousa

3.3 A realización de 25 actuacións da Banda de Música de Vilagarcía de Arousa, nos lugares que a corporación considere oportuno, permitindo a esta facer chegar o labor cultural e musical a todo o municipio, cumprindo coa demanda actual das asociacións de veciñais.

4. Estas actuacións celebraranse en sábados, domingos ou festivos coincidindo coas festas patronais, actos ou diversas celebracións nas distintas parroquias e núcleos de poboación do noso concello e en coordinación cos membros do Padroado da Banda de Música de Vilagarcía de Arousa, que na maioría dos casos están en idade escolar ou están suxeitos a responsabilidades lectivas e laborais.

5. A Banda ofrecerá aos solicitantes dous formatos de actuación:

1º Formato tradicional (pasacalle + procesión)

2º Formato Concerto Popular

Nota: En ningún dos casos por un tempo superior a 60 minutos, e inferior a 45 minutos.

SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA
DE MÚSICA DE VILAGARCÍA DE AROUSA

6. Colaborar cos dous centros Educativos-Musicais do Concello de Vilagarcía de Arousa, Escola Municipal de Música e Conservatorio Profesional de Música, segundo as canles que se establezan no seu momento.
7. Encargarse da incorporación de novos músicos, formando e axudando nos seus estudos musicais tanto na Escola de Municipal de Música, como no Conservatorio Profesional de Música.
8. Programar actividades que fomenten a convivencia do grupo e o coñecemento dos seus membros.
9. Incluír en todos os seus concertos, producións, espectáculos e publicacións, a imaxe corporativa que nese momento teña establecida o CONCELLO DE VILAGARCÍA DE AROUSA.
10. Responsabilizarse dos membros da BANDA DE MÚSICA, tanto en accidentes como en responsabilidade civil, dentro e fóra de Vilagarcía de Arousa, subscribindo as correspondentes pólizas.
11. Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.
12. Xustificar ante o órgano que concede a subvención ou a entidade colaboradora, no seu caso, o cumprimento dos requisitos e condicións, así como a realización da actividade e o cumprimento da finalidade que determinen a concesión ou goce da subvención.
13. Someterse ás actuacións de comprobación, a efectuar polo órgano que concede a subvención ou a entidade colaboradora, no seu caso, así como a calquera outra actuación, sexa de comprobación e control financeiro, que poidan realizar os órganos de control competentes, tanto autonómicos como estatais ou comunitarios, achegando tanta información lle sexa requirida no exercicio das actuacións anteriores.

SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA DE MÚSICA DE VILAGARCÍA DE AROUSA

14. Comunicar ao órgano que concede a subvención ou a entidade colaboradora a obtención de outras subvencións, axudas, ingresos ou recursos que financien as actividades subvencionadas, así como a modificación das circunstancias que fundamentaran a concesión da subvención. Esta comunicación deberá efectuarse no momento no que se coñeza e, en todo caso, con anterioridade á xustificación da aplicación dada aos fondos percibidos.
15. Acreditar con anterioridade a que se dite a proposta de resolución de concesión, que se está ao corrente no cumprimento das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración pública da Comunidade Autónoma, na forma que se determine regulamentariamente, y sen prexuízo do establecido na disposición adicional décimo oitava da Lei 30/1992, de 26 de novembro, de réxime xurídico das administracións públicas e do procedemento administrativo común.
16. A Asociación Padroado comprométese a conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
17. A Asociación Padroado comprométese, a estar ó corrente coas súas obrigas tributarias (co Estado e coa Comunidade Autónoma), coa Seguridade Social e a non ter débedas de ningún tipo co Concello de Vilagarcía de Arousa.

CUARTA: FINANCIAMENTO

O Concello de Vilagarcía de Arousa, comprométese a conceder **46.270,00€**, ao Padroado da Banda de Música de Vilagarcía de Arousa pola realización de **35 actuacións** entre os meses de xaneiro a decembro de 2018, distinguindo unha dobre natureza económica do financiamento, polos importes e con cargo ás aplicacións orzamentarias que de seguido se relacionan:

APLICACIÓN	IMPORTE/€
334-48205	38.770,00
334-78000	7.500,00
TOTAL	46.270,00 €

SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA
DE MÚSICA DE VILAGARCÍA DE AROUSA

No caso de que o desenvolvemento da actividade subvencionada poña de manifesto a necesidade de variar a distribución económica dos importes inicialmente concedidos con cargo a cada unha das aplicacións, pola beneficiaria poderá presentarse proposta motivada de variación da distribución das contías sen que en ningún caso poida exercerse do importe total concedido (46.270,00€)

A proposta será obxecto de fiscalización pola intervención municipal, que de ser favorable dará lugar ao oportuno expediente de modificación orzamentaria por transferencia entre as aplicacións 334-48205 e 334-78205.

A presente subvención é compatible coa percepción doutras axudas, ingresos ou recursos para a mesma finalidade, procedentes de calquera administración ou entes públicos ou privados, estatais, da Unión Europea ou de organismos internacionais, pero en ningún caso, illadamente ou en concorrencia con outras subvencións, axudas, ingresos ou recursos, poderá superar o custe da actividade subvencionada.

QUINTA: OBRIGAS DO CONCELLO

1. O Concello comprométese á colocación das tarimas por parte do persoal que determine, para todos os concertos que realice a Banda de Música de Vilagarcía de Arousa no Auditorio Municipal, por motivos acústicos.
2. O Concello comprométese a publicitar por todos os canles de que dispón, todas as actuacións de dita agrupación.
3. Unha vez xustificado debidamente nos termos da lexislación vixente o cumprimento do obxecto da subvención, e fiscalizado de conformidade, o Concello comprométese ao recoñecemento da obriga e pagamento da subvención.
4. Para o recoñecemento da obriga é imprescindible a execución íntegra do obxecto da subvención no seu labor social e educativo, así como de conservación do patrimonio, o que deberá ser valorado polo órgano de xestión responsable da área, e debidamente xustificado.
5. Permitir ao Padroado da Banda de Música de Vilagarcía a utilización do local situado nos baixos do Auditorio Municipal, Praza da II República, CP: 36600, Vilagarcía de Arousa.
6. Facilitar ao Padroado da Banda de Música de Vilagarcía, nas actuacións organizadas pola Concellería de Cultura de Vilagarcía de Arousa, o transporte e carga do material necesario por parte do persoal de obras do concello.

SEXTA: GASTOS SUBVENCIONABLES

(Novo)

1. considéranse gastos subvencionables, aqueles que de maneira indubidable respondan á natureza da actividade e se realicen dentro do exercicio 2018 e segundo o disposto no art. 29 da Lei 9/2007 de 13 de xuño de Subvencións de Galicia.
2. Non serán subvencionables os gastos por dietas e desprazamentos que non garden relación coas actividades recollidas neste convenio, así como calquera gasto que derive de actividades propias da Asociación salvo autorización expresa da Concellería de Cultura.
3. Os gastos de desprazamento da Banda de Música de Vilagarcía de Arousa (Autobús), a outros lugares do Concello, onde sexa requirida a súa presenza, correrán por conta do solicitante (Comisión de Festas ou Asociación), non tendo a consideración de gastos subvencionables.
4. Cando o importe do gasto subvencionable supere as contías establecidas na Lei 9/2017 de 9 de novembro de contratos do sector público, para o contrato menor, o beneficiario deberá solicitar como mínimo tres ofertas de diferentes provedores, con carácter previo á contratación do compromiso para a obra, prestación do servizo ou entrega do ben, salvo que polas súas especiais características non exista no mercado suficiente número de entidades que as realicen, presten o subministren, ou salvo que o gasto se tivese realizado con anterioridade á solicitude da subvención.

SETIMA: XUSTIFICACIÓN DA SUBVENCIÓN

1. Padroado, comprométese a xustificar durante o ano de vixencia da SUBVENCIÓN-CULTURAL, a cantidade acordada, con todos os documentos necesarios nos termos do artigo 28 da Lei de Subvencións de Galicia 9/2007, e en todo caso antes de rematar o exercicio 2018.
2. Deberá xustificarse o 100% do importe subvencionado para a percepción íntegra da subvención, unha menor xustificación dará lugar a un recoñecemento proporcional da axuda comprometida.
3. Considerase gasto realizado aquel que foi efectivamente pagado con anterioridade á finalización do período de xustificación.
4. A efectos de XUSTIFICACIÓN DA SUBVENCIÓN CONCEDIDA, será requisito necesario a presentación, mediante escrito dirixido á Concellería da área que a concedeu, da Conta xustificativa que conterá:
 - a. Memoria de actuación con indicación das actividades realizadas, asinada polo representante legal da entidade.

SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA
DE MÚSICA DE VILAGARCÍA DE AROUSA

- b. Memoria económica xustificativa do custo segundo o Modelo de Conta xustificativa de subvencións, asinada polo representante legal da entidade, que conterá:
- Relación de todos os gastos realizados no proxecto subvencionado, con identificación da factura, importe e provedor.
 - Relación detalladas de todos os ingresos con que se financiou a actividade (incluíndo a subvención concedida) con indicación do seu importe e procedencia.
 - Declaracións segundo os puntos b) ata g).
2. **Certificados de atoparse ó corrente coas obrigas tributarias e coa Seguridade Social. (Certificados da AEAT, Consellería de Facenda e Seguridade Social).**
3. Facturas orixinais ou fotocopia compulsada das mesmas, cos requisitos establecidos no R.D. 1619/2012. Como mínimo conterán:
- nº de factura e indicación expresa de que se trata dunha factura, lugar e data de emisión.
 - Denominación social, nif e domicilio de quen expide a factura e do destinatario
 - Descrición e data de realización da operación.
 - Importe, desglose do IVE con indicación do tipo aplicable e total. Non se admitirán facturas no que se faga constar "IVE incluído".
 - Recargos, descontos e retencións aplicables.
4. Ademais nas facturas, **deberá acreditarse o seu pagamento** da seguinte forma:
- En todas as facturas deberá aparecer conxuntamente as seguintes indicacións:
 - "pagado" ou "recibín",
 - data do pago
 - firma e identificación da mesma (dni ou nome completo de que asina)
 - Selo da empresa.
 - Cando a factura teña sido pagada mediante transferencia bancaria ou talón deberá aportarse extracto bancario que xustifique a transferencia ou ingreso na conta do beneficiario.
 - As operacións cun importe superior aos 2.500€ non poderán ser pagadas en efectivo, de acordo co previsto na Lei 7/2012 de 29 de outubro, polo que deberá acreditarse o seu pago mediante o cargo na conta bancaria correspondente.
5. No caso de gastos imputables á actividade, como nóminas ou porcentaxes de facturas, deberán acompañarse estas de informe onde se certifique a porcentaxe aplicable á actividade.
6. A Intervención municipal correspóndelle a competencia para exercer o control financeiro da subvención. Dacordo ao establecido no art. 44 da LSG o control financeiro da subvención poderá abarcar:

SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA DE MÚSICA DE VILAGARCÍA DE AROUSA

- a) O exame dos rexistros contables, contas ou estados financeiros e a documentación que os soporte de beneficiarios e entidades colaboradoras.
- b) O exame de operacións individualizadas e concretas relacionadas ou que poideran afectar ás subvencións concedidas.
- c) A comprobación de aspectos parciais e concretos dunha serie de actos relacionados ou que poidesen afectar ás subvencións concedidas.
- d) A comprobación material dos investimentos financiados.
- e) As actuacións concretas de control que deban realizarse conforme ao que en cada caso estableza a normativa reguladora da subvención e, no seu caso, a resolución de concesión.
- f) Calquera outra comprobación que resulte necesaria en atención ás características especiais das actividades subvencionadas.

OITAVA: CESIÓN EN PRECARIO DO LOCAL DE ENSAIO

Dada a natureza non lucrativa do Padroado, e que da utilización privativa do local de ensaio non se desprende ningún beneficio económico, e co fin de dar cumprimento ao disposto no artigo 92.5 da LPAP e 39 da LPG, a Banda de Música de Vilagarcía de Arousa, comprométese a realizar tres (2) actuacións con carácter gratuíto no casco urbano e que non supoñan gasto a esta asociación, para paliar así os gastos de mantemento (electricidade, limpeza, etc.) do local de ensaio de que dispón a asociación nos baixos do Auditorio Municipal.

Número	Mes	Motivo	Lugar
1	Por determinar	Clausura Fútbol 7	Vilagarcía de Arousa
2	Agosto	Pregón San Roque	Vilagarcía de Arousa

A Banda de Música de Vilagarcía de Arousa comprométese, por se fora necesario, a realizar dúas (2) actuacións a maiores, participando coa súa presenza en actos organizados pola Concellería de Cultura do Concello de Vilagarcía de Arousa, que en ningún caso, se poderán realizar en beneficio de asociacións, comisións de festas ou similares.

A realización das presentes actuacións, queda fora do réxime recollido no presente convenio, por non ter a consideración de actividade subvencionable, polo que a denuncia do mesmo ou a perda da subvención non implicará a extinción da presente obriga, salvo que abandonen o local de ensaio nos baixos do Auditorio municipal.

SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA
DE MÚSICA DE VILAGARCÍA DE AROUSA

Se o abandono do local se produce con posterioridade ao 1º semestre do exercicio, verá obrigada a realizar igualmente a totalidade das actuacións comprometidas.

NOVENA: LABOR SOCIAL

O labor social que o Padroado da Banda de Música de Vilagarcía se compromete a realizar, verase materializada como mínimo nun total de 35 actuacións, nos termos indicados na cláusula 3ª do presente convenio.

O Concello de Vilagarcía de Arousa e a Banda de Música de Vilagarcía de Arousa comprométense a realizar dunha maneira equitativa e proporcional o reparto das 25 actuacións en todo o territorio municipal, tendo preferencia aquelas solicitudes que sexan tramitadas entre xaneiro e maio de 2018.

Unha vez rematadas as 35 actuacións da Banda de Música de Vilagarcía de Arousa, poderanse facer ata un máximo de 10 actuacións cun orzamento de 1.322,00€, (IVE engadido).

DÉCIMA: LABOR EDUCATIVO

O labor educativo que o Padroado da Banda de Música de Vilagarcía de Arousa se compromete a realizar, verase materializada nos seguintes ámbitos:

1. Integrar como educandos dentro da súa colectividade a todos os alumnos e alumnas da Escola Municipal de Música e do Conservatorio Profesional de Música de Vilagarcía de Arousa, que sexan propostos/as polos/as mesmos/as e que estean interesados/as en formar parte desta agrupación, complementando desta maneira os estudos musicais cunha agrupación de recoñecido prestixio, como é a Banda de Música de Vilagarcía.
2. Na actualidade están integrados dentro da Banda de Música de Vilagarcía 60 músicos-educandos.

UNDÉCIMA: CONTRIBUCIÓN AO PATRIMONIO MUNICIPAL

O Padroado da Banda de Música de Vilagarcía de Arousa comprométese a seguir dotado de arquivo musical, e no caso de disolución, poñer a disposición do Excmo. Concello de Vilagarcía de Arousa todo o material de arquivo.

DUODÉCIMA: APROBACIÓN DO GASTO E PAGAMENTO

Considerando a especial natureza da actividade subvencionada, e que a maioría das actuacións se realizan na época estival, sen embargo para obter uns resultados de calidade, a actividade formativa e educativa realizase dende o inicio do ano, situación que fai necesario realizar compras de instrumentos, partituras, uniformes, ensaios, etc, propónse o recoñecemento da obrigaón do 50% da axuda comprometida (23.135,00 €) no momento da aprobación do presente convenio, e o pago anticipado co carácter de entregas de fondos previas á xustificación, como financiamento necesario para poder levar a cabo as actuacións inherentes á subvención.

Producirase a perda do dereito ao cobro total ou parcial da subvención no suposto de falta de xustificación ou de concorrencia dalgunha das causas previstas no artigo 33 da Lei de Subvencións de Galicia.

O pago do 50% restante da subvención realizarase previa xustificación, pola beneficiaria, da realización da actividade, proxecto, obxectivo ou adopción do comportamento para o cal se lle concedeu nos termos establecidos no presente convenio.

Coa sinatura do presente convenio, a beneficiaria declara responsablemente non estar incurso en ningunha das causas reguladas no apartado 4º do artigo 31 da LSG, que impedirían o pagamento anticipado.

DÉCIMO TERCEIRA: SEGUIMIENTO E CONTROL DO CONVENIO

O seguimento será realizado conxuntamente, nos ámbitos correspondentes, polo Presidente da Xunta directiva do Padroado e polo Director da Banda de Música de Vilagarcía, debendo contar co visto e prace da/o Concelleira/o de Cultura do Concello de Vilagarcía de Arousa, de acordo coas súas funcións e competencias, emitindo en cada caso e momento os informes que se lles soliciten e sexan preceptivos, e como mínimo un Informe-Memoria que acompañará á xustificación da subvención concedida.

En proba de conformidade, selan e asinan por ambas partes a presente SUBVENCIÓN-CULTURAL, por duplicado exemplar, no lugar e data sinalada no encabezamento, quedando un exemplar en poder de cada unha das partes.

Polo Concello de Vilagarcía de Arousa o Alcalde-Presidente D. Alberto Varela Paz e por parte do Padroado da Banda de Música de Vilagarcía de Arousa, D. Lucas Meda Herbojo.

Asdo.

Asdo.

SUBVENCIÓN-CULTURAL CONCELLO DE VILAGARCÍA DE AROUSA E PADROADO DA BANDA DE MÚSICA DE VILAGARCÍA DE AROUSA

D. Alberto Varela Paz
O Alcalde-Presidente


D. Lucas Meda Herbojo
O Presidente

ANEXO I

Composición actual da Banda de Música de Vilagarcía de Arousa

Presidente: Lucas Meda Herbojo

Director: Jesús Nogueira Franco

Compoñentes da Banda de Música de Vilagarcía de Arousa: 60

Composición da Xunta Directiva do Padroado da Banda de Música de Vilagarcía de Arousa

Presidente: Lucas Meda Herbojo D.N.I.: 35, 485,672-F

Vicepresidente: Ana Belén Nieto García D.N.I.: 35, 485,011-J

Tesoureiro: Diego Chaves Millán D.N.I.: 35, 479,225-T

Secretario: Alberto Calvo Pazos D.N.I.: 35, 479,069-M

Vogais:

1º Vogal: Jesús Nogueira Franco D.N.I.: 35, 462,101-B

2º Vogal: Diego Torrado Miguéns

Entidade Bancaria

ABANCA

Praza de Galicia – Vilagarcía de Arousa

ES67	2080	5067	1130	4004	2845
------	------	------	------	------	------